



Klub poslanika Naša stranka - Nezavisni blok

Broj: 01-50-1-15-29/22

Sarajevo, 13.5.2022. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r g. Nebojša Radmanović, predsjedavajući



Na osnovu člana 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19 i 26/20) postavljam sljedeće

POSLANIČKO PITANJE ZA SUD BOSNE I HERCEGOVINE

U kojoj je fazi trenutno spor koji se vodi pred Sudom Bosne i Hercegovine protiv Agencije za zaštitu ličnih podataka Bosne i Hercegovine zbog procesa provjere diploma zaposlenih u javnim institucijama i ustanovama koji je pokrenut od strane Ureda za borbu protiv korupcije i upravljanje kvalitetom Kantona Sarajevo. Kada će Sud Bosne i Hercegovine donijeti odluku u ovom predmetu?

OBRAZLOŽENJE

Trenutno se pred Sudom Bosne i Hercegovine vodi spor protiv Agencije za zaštitu ličnih podataka Bosne i Hercegovine zbog procesa provjere diploma zaposlenih u javnim institucijama i ustanova koji je još 2021. godine pokrenut od strane Ureda za borbu protiv korupcije i upravljanje kvalitetom Kantona Sarajevo. Istovremeno, Predstavnički dom Parlamentarne skupštine Bosne i Hercegovine usvojio je 26.2.2020. godine Inicijativu kojom se zadužuje Vijeće ministara Bosne i Hercegovine da u roku od 90 dana donese Odluku o provjeri diploma svih zaposlenih u državnim institucijama. Uprkos tome što je od usvajanja Inicijative prošlo više od 800 dana, ova Odluka još uvijek nije donesena. Razlog tome je, prema riječima ministrice civilnih poslova Bosne i Hercegovine Ankice Gudeljević, činjenica da do zaključenja ovog predmeta pred Sudom Bosne i Hercegovine nije moguće provesti provjeru diploma zaposlenih u institucijama na državnom nivou iako je taj stav u suprotnosti sa preporukama Institucije Ombudsmena za ljudska prava Bosne i Hercegovine iz 2020. godine u kojim se navodi da javni interes u ovakvim i sličnim slučajevima uvijek ima prevagu nad zaštitom privatnosti. Obzirom da je veoma bitno da se ovaj postupak okonča do održavanja Općih izbora 2022. godine, važno je da u što skorijem roku dođe do završetka ovog procesa koji se trenutno koristi kao jedan od razloga za odugovlačenje provjere diploma zaposlenih u državnim institucijama na drugim nivoima.

ZAKONOM O PARLAMENTARNOM NADZORU („SLUŽBENI GLASNIK BIH“ BR. 25/18) PROPISANE SU SANKCIJE ZA NEODGOVARANJE NA POSLANIČKA PITANJA (ČLAN 64. STAV (1) a) i b) ZAKONA).

S poštovanjem,

Mirjana Marinković-Lepić,
Poslanica u Predstavničkom domu
Parlamentarne skupštine BiH